

# Иорданьд болджах йовдл

Иорданьд болджах йовдл улм реакционн болад йовна гидж Египетск газетмүд зәнъ-глицхәнә. Амманд болн Иорданә нань чиги балгъсдар политическ болн общественн үүлдәчириг, дакад орн-нутган харсх ухан-седклтә офицермүдиг бәрдж цааджлгън цаарандан кегдә йовна гидж зәнъглицднә. Иорданск әәрмин 70 гар ах офицермүдиг бәрдж гидж Амманас зәнъглицлгънәс иштәгъәр МЕН агенств зәнъглицджәнә. Багъ офицермүдәс бас бәрдж суулгъцхасн йовдл бәәнә. МЕН агенствин зәнъглицлгъәр болхла иорданск әәрмин командн составд ик сольвр кегдджәнә, реакционн улсиг командн составд икәр орулджана. Иорданьд келн-әмтән харсгч офицермүдиг көдлм-

шәснь көөгъад гаргъджана. Набулсин правительствин цагт империалистиртә залгълдата бәәсндән көдлмшәсн көөгдсн улсиг ода Ибрагим Хошимин правительств тедниг хәрү государственн үүлд орулджана гидж зәнъглицдджәнә. Иорданә политическ партьсин ницүлгч комитетин үүлдвриг правительств уурулдж, дакад тер комитетин бәәрн газрин отделенъсиг хаадж. Иорданск политическ партьсин гермүдинь хаагъад тиизлдж оркдж. Парламентин даругъас хурагдх гидж темдглицдсн бачм сессиг Хусейн хан указ гаргъад темдг уга болзгт хоорасаачкидж. „Журналь д“, Эжиптин“ зәнъглицлгъәр болхла ода бәәх парламентиц цуцлх төр Иорданә правительствд хәләгдджәнә.